

ایکینچی سنه

نومرو : ۷

خزینہ اوراق

تاریخ تاسیسی
۱ مایس سنه ۱۲۹۷



مؤسسہ

محمود جلال الدین

۲ ۲ ۲ ۲ ۲

تاریخ طبع
و نشر
۱۳۵۱
۱۳۵۲
۱۳۵۳

بو رسالہ ادبیہ جمعہ ایرتسی کونلری چیقار

جنتمقر سامی پاشانک یتیش درت تاریخننده کرید
رعایاسی عصیان ایدوب مأموریتله اورایه تشریفلرنده
رؤسای عصاة اجتماعيله واقع اولان رومجه مخاطبه نك
مشارایهك قلم حکیمانہ لريله صورت مترجمہ سیدر

جناب حق ولی نعمتمز شوکتلو پادشاه عدالت پرور
افندمن حضرتلرینی تاجحد قیامت اریکه آرای شکوه
وشوکت بیورسون معلوم عالمیاندرکه تبعه صداقت انتماری
حقنده علی الدوام لطف و مرحمت جناب ملوکانه لری

مبنول و سزاواردر و بونلردن فرد آفریده نك وجهاً من
الوجوه رنجیده و رمیده اولماسی امرنده عنایت سنیه لری
درکاردر بومدعائك ثبوتنه برهان قوی دکلیدرکه اسائت
ادبله حد تبعیتی تجاوز ایدوب عصیان ایتش اولدیغکز
حالده اوزرکزه عسکر چکوب سزی زیر و زبر
ایتکه ملکاً و سلطنتاً مسارعت بیورمق مقتضی ایکن
حامیسی اولدیغی شریعت غرای محمدیه و فقجه برکره
سبب عصیانگری سؤال ایله برابر مطاوعته رجعتگری
تکلیف و قبول مطاوعته عرض انقیاد ایتیوبده بالعکس
عتو و طغیانده الحاح ایتدیکز حالده علیهمکرده اجرای
زجر عنیف ایتك لازم کله جکنی کوش و هوشکره القا
ایچون مجلس والای عدلیه اعضاسندن دولتو احدپاشا
حضرتلرینی مأمور بیوردیلر طرفکره وصولنده بعض
مطلوباتکرله برابر سرعت مطاوعتکاری به هوسناك
واسترحام عفو و آمانه رو بخاك اولدیغگری انها ایتدیلسه ده
عصیاندن قبل الرجوع التماس و مطالبه به جرأتکز مخالف
دأب تبعیت اولدیغندن طور و حالکرده صفوت ا کلا -
شمله مدیغنه و بوحرکت نابجا کرده خفی و جلی نیاتکز
بیله مدیکنه مبنی مرحت ثانیه اوله رق مأموریت جلیله -
سنده بولندیغم معارف عمومی نظارتنه انضماماً کیرید

والیلکنی عہدہ عاجزانہمہ توجیہ ایلہ بوقوللرینی ارسال
یوردیلر کور یورمکہ سز ہنوز سلاحو بولنیورسکز
وحیدودلر کی طاغلر دہ بایرلر دہ کز نیورسکز بوطور ایلہ
طالب عفو و آمان اولمکز جبراً تحصیل امل ایدہ یلہ جککز تصور
باطلندہ اولدیغکری کوستریور مقصد کز ہرنہ ایسہ سویلیک
سبب اختلال کز کویا والی سابق اولیور اولہ می عجباً
والی سابق قتل نفوس ہتک عرض غارت اموال کبی ظلم
وتعدیلر ایتدی می ابتد ایسہ سلطنت سنیہ یہ دفعاتلہ تظلم
حال ایلدی کز دہ اصفا یورلما دی می سؤال ایدیورم جواب
ویرک والی سابق حقندہ ایتدی کز اسنادات کاذبہ
محض افترادر و سائر محاولات کز دخی بہانہ جولکدن
عبارت معناسز مدعادر سز یوزسنہ دنبرو عقد اولنمش
(اثر یا) دیدکلری اتفاق خفی مریضنک خستہ لری اولدیغکز
ویالکز بود دفعہ دکل آراق آراق ہوالنوب بلا سبب
عصیان ایتکدہ بولندیغکز معلوم جہان ایکن اولہ واهی
بہانہ لرلہ دولت علیہ بی اغفال ایدرز زعمندہ اولمکز یسوک
حماقت وعظیم قباحتدر نہ دیہیم ایچکز دہ احوال جہانہ
واقف واحکام دقت وزمانی عارف بر شخص کورہ مم کہ
قانون مناظرہ قاعدہ سنجہ سزہ خطاب ایدہیم فقط شو -
قدرجک دیہ یلورمکہ سزی فریفتہ ایدن خیال محال

ارا القده عصیانلر و سرکشلکرله جزیره نك امنيتنى اخلا له
 سبب اوليور و بالطبع سفك دمأ وقوعبوليور بو حالاتك
 وقوعى دولت عليه نك عدم اداره سنه حل اولنسونده جزيره
 قونسلوسلرى و يونانستان معرفتيله دول مفخمه يه اشتكا
 اولنوب قرقيل مقدم موره عصاتنه وقوعبولان صحابت
 مثلاً بزم حقمزده دخى وقوعبولسون ديو حساب فرحله
 متسلى اوليورسكز نه يمان جاهلر سكز قرقيل اول كدران
 ايدن زمانك طور و حالى شمديكى زمان طور ينه تطبيق
 اولنمق احتمالى وارمى در اوزمانلر دولت عليه ته دالنلى على باشا
 و متعاقباً روسيه و عجم محاربهرى غائله لايه بيرار و يكيچرى
 عاصيلرينك فساداتنه گرفتار اولديغى دملر و اورو باليلرله
 الفتنسز و اختلاطسز بولنديغى هنكاملر دكليدر مع مافيه
 دولت عليه نك مشغله لى وقتلى اولديغى دركار و عصيان
 مذكور عمومى برهنكامه كارزار ايكن دغدغه سى يدى سنه
 ممتد اولوب طرف طرف محاربهر و مقاتله و مضاربهرله
 نيجه امصار و بلدان خراب و نيجه جانلر مطموره زير تراب
 اولديغى معلومكز دكليدر انجامكار اسبق مصر واليسى
 ابراهيم باشا مأموريتيله موره جزيره سى تماماً پايمال اولمش
 و اناوارين و طرابولچه قلعه لرى و سائر قصبات و قرا عنوة
 قبضه تسخير كچمش و روم ايلي قطعه سنده دخى ميسلنك

وایزدین و دیگر اما کن رصینه عصاتدن استرداد اولنش
 و تمامی یونانستان تسلیم اسلحه به حاضر لنش اولدیغی حالد
 نصلسه عن غفلة اوچ دولت فحیمه قیام و بحراً و برأ بالعقل
 عصاتی استصحابه اهتمام ایندکرینه مبنی چاره سز لکله
 نه اولدیسسه اولدی لکن شمدیکی عصرک حکمنه نظراً
 بو وقوعاتک تحدث ایتسی امر محالدر چونکه اولوقت
 روملری استصحاب ایدن دولتر شمدی دولت علیه نک تمامی
 ملک واستقلالنه واختلال داخلیمی وقوعنده مداخله
 ایتماکه عقد میثاق ایله معاهده ایتش اولدقلری والیوم
 سلطنت سنیه نک خارج و داخلنده ذره قدر غائله سی اولیوب
 سلاح التنده اوچیوز بیک معلم ومنتظم عسکری و معمور
 دو تمامی همایونی مهیا و حاضر بولندیغی حالد بر جزیره نک
 آتش عصبیانی سوندر مکه صعوبت مطالعه اولنورمی
 ارتق سوز اوزاتمی استهم فقط ولی نعمتمز سرمایه نجات
 و مفخرتمز پادشاهمز افندمزک مسلم جهان اولان مرحمت
 و شفقت همایونلریته توفیقاً ایفای وظیفه مأموریت ایتماکه
 مجبور اولدیغمدن سزی خیالات فاسده کز بلارندن
 قورتارمغه و عدالت سنیه ملوکانه لریته مظهر ایتک اوزره
 چالشغه کندیمی مجبور بولیورم بالاخره نادم و پشیمان
 اوله جقسکز سزله آجیرم بناء علیه سزه پدرانہ نصیحت

ایدم بوحر کاتکرله نائل امل اولمق شویله طور سون حقکرده
 برچوق بلاری دعوت ایده جککره ترک سلاح ایله
 پادشاهم ترک دامن عفو ومرتخترینه صارلکز یقیناً بیلکزرکه
 راحت و سلامتکز سلطنت سینه نک سایه عدالت ومرت
 جتنده در فرض محال اوله رق بوسایه نجات بخشا اوزر -
 کردن قالقمق لازمکسه سز بوفقر بوجهل ایله کندی ککری
 نصل اداره ایده ییله جککری و نوجهله حکومت قوره -
 جفکری مطالعه ایش ایسه کز سویله یک بنده اکلایم
 اوله قولاً استرحام عفو ایدرز دیمک کافی دکلدر اشته سزه
 اوج ساعت مهل ویر یورم کیدک بینکرده مشاوره ایدک
 جمعیتکری داغدک سلاحکری براقک بعده بکا قطعی
 جواب و یرک زیرا بوندن صکره سوزله سزه مقابله ایتکی
 بتوردم واپور حاضرلشم جوابکزه ایسه عرض ایده حکم
 لکن عفو کزیمی استعدا ایتک اقتضا ایده جک یوخسه
 براوتوز بیک عسکر جلب ایدوب سزی زیروز بر ایتلک می
 لازم کله جک جوابکزدن صکره معلوم اولور

